

Aministradus de ploania: en mercui, ai 06.04.2016 él dales 17:00 tl Salf di stüdafüch a San Martin na sêra por aministradus dles ploanies. Inviá é: proi, presidënc dles ploanies y chi che á surantut laurs de aministrazion tla ploania. Siur M. Mitterhofer, direttur dl ofize de aministrazion dla Diozeja, dará informaziuns sö l'aministrazion dles ploanies.

Curs de formaziun sura la fede "La löm dla vita": *Pó la fede diventé la löm por ilominé nosta esisténza y nosta vita?* Incuntades cun Padre Giuseppe en vëndres ai 29.04.2016 dales 9:00 ales 12:00 y dales 14:00 ales 18:00 cun la S. Mëssa y vá inant la sabeda dales 9:00 ales 12:00. Informaziuns y iscriziuns pro Ingrid al nr.tel. 331/8565697.

Curs: la Uniun dles Èles de Badia organisëia dai 05.04.2016 inant n curs de *Line Dance* cun Giuvana Moling por 8 mertesc, dagnara dales 20:00, te Ciasa Runcher. Prenotaziuns pro Lucia al nr.338/6418588.

L'KVV-La Ila organisëia n **curs por geniturs** de 3 incuntades, en mertesc ai 12, 19 y 26 d'auri, dales 9 – 12. Tema: *Por na bona armonia te familia* con l'referënt Roland Feichter. Info y iscriziun al n. 0471847200.

"Geniturs afidatars i ves chirium! Ti dé a mituns n secundo daciasa" en mertesc, ai 05.04.2016 dales 20:00 te biblioteca dl Istitut Ladin a S.Martin sarál na serada de informaziun organisada dala Comunité Comprensoriala Val de Puster/Raiun Sozial Val Badia adöm ala biblioteca te Istitut Micurá de Rù sura l'afidamënt familiar. Al vëgn chirí pers maridá o che vir adöm o ince porsones singoles, cun o zënza mituns, che tól sö mituns y i acompagnëia por n toch de so tru.

Teater: l'Uniun Teater de Badia inviëia ala comedia "*Olá ia cun le cadaver?*" en sabeda 9, domënia 10, sabeda 16 y domënia 17 de auri (tres dales 20:00 y l'ultima domënia ince dales 15:00) te Ciasa Runcher.


Referat: le Sorvisc ai Jogn cun l'Cunsëi de Formaziun da Badia y l'Raiun Sozial, inviëia a n referat sön sostanzes psicoatives (droghes). Le referat vëgn tigní en jöbia ai 07.04.16 dales 19.30 tl zënter dla jonëza SAJ.UN (tla ciasa dl cultura) a La Ila cun referënc de "La Strada".

Publicaziun de manifestaziuns: jodapé de dljia ciafëise indô i picci libri dles manifestaziuns de aisciöda/isté 2016 dl Sorvisc Formaziun V.Badia.

Impressum: Ploania Badia, redaziun Cristina Frena

Comunicaziuns cina jöbia sêra a parrocchiabadia@libero.it o frenocris@alice.it

Download plata: www.valbadiaonline.it/comunita/ploanies/ploanies/ploania-badia.html



Plata dla Ploania Badia

San Iaco - San Linert

Ploan: Siur Iaco Wendelin Willeit
Colonia Badia: 0471/839571
E-Mail: parrocchiabadia@libero.it
Radio dla Ploania: 91,10 Mhz

UNITÉ PASTORALA



VAL BADIA

www.unitepastorala.org


Ann C

03.04. - 10.04.2016

2^a Domënia de Pasca

n. 19

Mit Thomas
die Wunden
des Lebens
ertasten.....



Vangelo della prossima domenica – III° Domenica di Pasqua C

(Gv 21,1-14)

In quel tempo, Gesù si manifestò di nuovo ai discepoli sul mare di Tiberiade. E si manifestò così: si trovavano insieme Simon Pietro, Tommaso detto Didimo, Natanaele di Cana di Galilea, i figli di Zebedèo e altri due discepoli. Disse loro Simon Pietro: «Io vado a pescare». Gli dissero: «Veniamo anche noi con te». Allora uscirono e salirono sulla barca; ma quella notte non presero nulla. Quando già era l'alba, Gesù stette sulla riva, ma i discepoli non si erano accorti che era Gesù. Gesù disse loro: «Figlioli, non avete nulla da mangiare?». Gli risposero: «No». Allora egli disse loro: «Gettate la rete dalla parte destra della barca e troverete». La gettarono e non riuscivano più a tirarla su per la grande quantità di pesci. Allora quel discepolo che Gesù amava disse a Pietro: «È il Signore!». Simon Pietro, appena udì che era il Signore, si strinse la veste attorno ai fianchi, perché era svestito, e si gettò in mare. Gli altri discepoli invece vennero con la barca, trascinando la rete piena di pesci: non erano infatti lontani da terra se non un centinaio di metri. Appena scesi a terra, videro un fuoco di brace con del pesce sopra, e del pane. Disse loro Gesù: «Portate un po' del pesce che avete preso ora». Allora Simon Pietro salì nella barca e trasse a terra la rete piena di centocinquantaquattro grossi pesci. E benché fossero tanti, la rete non si squarciò. Gesù disse loro: «Venite a mangiare». E nessuno dei discepoli osava domandargli: «Chi sei?», perché sapevano bene che era il Signore. Gesù si avvicinò, prese il pane e lo diede loro, e così pure il pesce. Era la terza volta che Gesù si manifestava ai discepoli, dopo essere risorto dai morti.

FUNZIUNS SACRES

03.04. 2^a DOMËNIA de PASCA / Ann C – Domënia Blanca

Domënia dla Divina Misericordia

- 10.00 Mëssa por la Comunità
- 15.00 Festa da Bato
- 18.00 †to Pasquale Piccolruaz - aniversar
- †to Giovanni Valentin - aniversar
- †ta Anna Frena - aniversar / †ta Gerda Irsara

04.04. Lünesc – **Anunziasiun de S.Maria**

- 19.30** en onur de S.Maria por perié do la pesc dl monn
- †to Giorgio Valentini - aniversar
- †ta Eveline Rudiferia



05.04. Mertesc – degüna S. Mëssa

06.04. Mercui – *mëssa cun i scolars*

- 07.30 †ti Hermann y Amalia Irsara
- †tes Anna y Vittoria Dejaco
- ad intenzione per Leonardo

07.04. Jöbia - *Mëssa cun i crejimá y studënc*

- 19.30 †ta Stefania Irsara de Parüs - aniversar
- †ti Lola Ambrosino y Giovanni Campej
- †ta Christl Maffei

08.04. Vëndres

- 07.30 †to Siegfried Winkler
- †ti Luigi, Anna y Metodio Frenademetz
- por les animes plö arbandonades

09.04. Sabeda

- 16.00 Mëssa a Oies

10.04. 3^a DOMËNIA de PASCA / Ann C – “Kassiansonntag”

- 10.00 Mëssa por la Comunità
- 15.00 Ora de adoraziun
- 18.00 †ta Agnes Pitscheider - aniversar
- †ta Angela Dariz - aniversar
- †to Sepl Frenademetz da Oies - aniversar

Dala VITA dla CÜRA

Festa dla Anunziasiun de S.Maria (S.Maria de Merz): deache chësc ann éla tomada ite en Vëndres Sanc vëgnela tignida en lünesc, ai 04.04.2016 cun na santa mëssa dales 19:30.

Chësta domënia, ai 03.04.2016 ciafa l'Sacramënt dl **BATO** i pici:



Melissa de Alexander Tavella y Monica Frenner
Cathrine de Ingo Irsara y Paola Finali
Elena Viola de Paolo Chiossi y Sara Vaschieri
Chiara de Davide Iersettig y Sandra Pellizzari.

Ai pici che tolun sö cun ligrëza te nosta comunité cristiana y a sü geniturs les mius audanzas.

Prozesciun por perié do vocaziuns: recordun bel sëgn che ala gnará fata en domënia ai 17.04.2016 dales 14:00 a Oies.

Pelegrijaie al Santuar S.Maria dl Nevegal ai 05.04.2016: cina ai 03.04.2016 pón ciamó se prenoté (tel. 0471/849353 o 333/4983474) por chësc pelegrijaie organisé dal KVV. An pëia ia da Pedraces dales 07:30 y al gnará para siur Degan che dij dailó la Santa Mëssa.

Ministranc – rengraziamënt: n bel giulan a chi che á daidé en domënia dal Orí y chi che s'á fistidié por les rames d'orí y i giac, ai ministranc por so sorvisc tratan l'Edema Santa y a chi che á soné la batura. Rengraziun düta la comunité che en Pasca ti á porté de vigni sort ai ministranc y che en Lünesc de Pasca á tut pert ala Cufada. Al é gnü trat ite 180 € che jará a na familia de Badia.

La Uniun dles Èles de Badia rengrazia dla bela soma de 487 € che é gnüs trac ite en Pasca con la venüda dles rôses.



En mertesc, ai 05.04.2016 complësc **Amalia Irsara Pedratscher** da S.Linert **83** agn y en mercui, ai 06.04.2016 **Trinele Pizzinini Valentini** da Pedraces **80** agn. L'Seniorenclub y düta la Comunité ti aoda düte l'bun, sanité y benedisciun de Dî.